

Il mas-chalch da Sent



Publicaziuns officialas. Cumpara seguond bsögn.
2009/2011
no. 33

7554 Sent, 11 november 2010 / bmr

Publicaziuns da fabrica

Reguarda: Sbodamaint, chasas novas e renovaziun, Avant Baselgia, parcella 249, 7554 Sent

Patrun da fabrica: Swissroof GmbH, St. Wolfgangstr. 67, 6331 Hünenberg

Profilà: 25.09.2010

Reguarda: Sanaziun energetica e gasascha, Crusch 305, 7554 Sent

Patrun da fabrica: Jon Carl Rauch, Crusch 305, 7554 Sent

Profilà: 30.10.2010

Publicaziun: **11.11.2010**

Termin da protesta: **01.12.2010**

Ediziuin: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Ün cour per la regiun

In 8 cumüns da l'Engiadina Bassa sun gnüts installats uschenomnats "Defibrillatuors automatics externs". Quels vegnan dovrats per dar ün impuls electric a paziants chi han ün'interrupziun da la funcziun dal cour. A Sent es installà il DAE pro l'entrada da la baselgia.

In quist connex vain organisà ün cuors, tras la gruppa da samaritans, per la populaziun da Sent. Il prüm cuors ha lö als **25 november 2010, da las 20.00 fin las 22.00, illa centrala scoulina** (üna part teoria ed üna part pratica). Ün seguond cuors vain organisà in schner 2011. La data vain communicada plü tard aint il Mas-chalch.

Il cuors es gratuit e per tuot la populaziun da Sent. Amiaivelmaing invidan

**Società da samaritans e'l
Cumün da Sent**

Reavertüra – Sport Champatsch

La butia Sport Champatsch es darcheu averta davent dals:

8 november 2010 da las 9.00 – 11.00 e da las 15.00 – 17.00, dumengia serrà.
A partir dals 11 december 2010 da las 8.00 – 12.00 e da las 15.00 – 18.00
dumengia 8.30 – 10.00 e da las 16.00 – 18.00

No ans allegrain sün vossa visita.

Team Sport Champatsch

Tscherchè

Tscherchè per cumprar üna abitaziun / chasa da 2 ½ o 3 ½ stanzas. Eventualmaing eir per tour a fit per tuot on, a Sent e contuorns. Infuormaziuns plü detagliadas suot il no. 079 425 97 73.

Gesucht

Zu kaufen gesucht 2 ½ oder 3 ½ Zimmer-Wohnung / Haus evtl. auch als Jahresmiete in Sent und Umgebung. Wir freuen uns auf ihr Angebot unter 079 425 97 73.

Da dar a fit piazza da garascha a partir da subit

La garascha as rechatta sülla via principala chi v à vers Crusch (Saglina). Predsch al mais frs. 120.--. Chi chi's interessa per quella piazza dess as metter in colliaziun cun Giovanni Bonavia tel. 061 921 02 32.

Giovanni Bonavia

Da dar a fit a Sent

A partir dals 1. schner 2011, ün'abitaziun da 3 ½ stanzas cun piazza da parcar. Predsch al mais frs. 1'250.00 (incl. cuosts supplementars). Infuormaziuns plü detagliadas suot il no. 081 864 95 55.

Garage Zanetti

Deponia La Fuorcha

La deponia vain **serrada** officialmaing **fin davo Pasqua**.

In cas urgiants e scha'l stadi da la via d'access fin pro la deponia permetta, as po passar per la clav in büro cumünal. L'avertüra ufficiaa dal 2011 vain comunicada aint il Mas-chalch.

Il Cussagl cumünal

Promoziun dal sport da naiv

Cull'acziun **Uffants da scoula** han las Pendericulas Motta Naluns Scuol-Ftan Sent SA e'l cumün da Sent il böt da promover il sport da naiv. Our da quel motiv finanzieschan els üna gronda part dals cuosts vi da mincha carta da stagiun. L'acziun lantschada vain manada tras eir quist on. Las cartas pon, sco adüna, gnir cumpradas cul rebass a la chascha da las Pendericulas Motta Naluns. Las datas da la prevendita vegnan dattas cuntschaintas direct da la Motta.

Atenziun: Quista sporta vaglia be per scolars cun domicil a Sent.

Il Cussagl cumünal

Il bazar da la società da duonnas

ha lö als **28 november 2010 a las 13.30 in chasa cumünala**. No vain fat bels arrandschamaints da Nadal, cranzins d'Advent, bleras lavurs da man. Natüralmaing daja ün'ingiavinerà ed üna stüva da caffè cun bunas tuortas e panins. No lain far attent, cha no fain eir stinvs e pullovers sün postaziun.

Giiven e vegl es amiaivelmaing invidà. Grazcha fich ouravant per vos sustegn e per vossa numerusa cumparsa.

Ün grond ingrazchamaint a tuot quels chi han sustgnü a nossa società cun üna contribuziun annuala.

La società da duonnas

Advent pels attempats

Eir quist on organisescha la società da duonnas ün inscunter d'Advent **cun giantar** per quellas persunas da las annadas 1940 e plü veglias (da 70 amunt).

La data es gnüda fixada sün **dumengia, 5 december 2010**, a las **12.00** illa chasa Misoch.

I'ns fess grond plaschair scha tuot quellas persunas gnissan a nos giantar.

Annunzchas piglia incunter Annatöna Pult, tel. 081 864 86 82 opür Mema Werro tel. 081 864 90 68, **a partir da subit**.

La società da duonnas

Deponia Davo Stron

A partir da subit es averta la deponia nouva pro la garascha a Davo Stron.

Schef d'immundizchas

Avis a reg. allontanar saivs electricas

Tenor art. 32 da l'uorden champester ston tuottas saivs electricas chi sun gnüdas fattas sün terrain privat e cumünal gnir allontanadas d'ürant il temp d'inviern. Our da quel motiv sun quellas da **levar subit**.

Sch'inchün nu vess da seguir a quist appell, vegnan levadas las saivs da cumün oura a cuosts da quel chi ha invlidà d'allontanar la saiv. **Attenziun:** Quist avis vala eir per alps e pas-chs! Eventuals dons chi subaintran van a charg da quel chi nun ha levà la saiv! Fich privlus sun pels skiunzs filfiers chi vegnan be miss giò per terra. Per plaschair allontanar eir quels.

Il schef da god, pas-ch e pauraria

Transit d'inviern in Val Sinestra

A regard il transit d'inviern in Val Sinestra vain praticchè sco d'ürant ils ons passats, in rondond attent sül scumond da transit dals 27 december 1978 dal Cussagl cumünal e sül decret dal Departamaint da güstizia e pulizia chantunal dals 1. favrer 1979.

Scumond

Dals 1. november fin als 30 avrigl esa scumondà da transir cun veiculs a motor sülla via Sent – Sinestra. Il scumond vala davent da l'ur dal god Vaschnuogls/Vita-Parcours fin pro'l Kurhaus Val Sinestra. Surpassamaints da quist scumond vegnan chastiats in basa als artichels 20 e 30 da la ledscha stradala. Quist scumond es gnü publichà i'l Fögl uffizial dal chantun Grischun dals 16 favrer 1979.

- Il signal no. 2.01 "Scumond general per trafic cun veiculs a motor" es piazzà a l'ur dal god.
- Avant la Val Vallatscha es impü montada üna barriera.
- Üna barriera es a l'ur dal god.
- In cas da privel da lavinias sun da resguardar las directivas e masüras dal servezzan da lavinias dal cumün da Sent.

Per traffichar faja dabsögn d'ün permiss special dal cumün. **(La vignetta da vias champestras dal cumün da Sent nu vaglia per transir in Val Sinestra)**. I vain montada suot il scumond general üna tabla "exclus cun permiss special dal Cumün". Permiss specials tschüffan be persunas chi han üna incumbensa i'l hotel Sinestra. Tuot ils giasts ston gnir transportats davent da Sent tras l'hotel. Surpassamaints dal **scumond general** vegnan chastiats.

Cussagl cumünal

Mas-chalch

La fin da redacziun pel prossem mas-chalch es als **30 november 2010**.

Administraziun cumünala

„Di da movimaint“ dumengia ils 3 october 2010

Furtünats da l'ora grondiusa vaina no pudü passantar ün di da bellezza. No vain pudü trar a nüz nossa bella piazza da sport pels divers trenamaints e posts da gös d'indschegn. No, il team d'organisaziun, d'eiran fich cuntaints da la gronda partecipaziun e dal interess da nossa populaziun. Amo üna jada ün grond grazcha fich a Vo stimada populaziun ed als agüdents.

In nom dal team d'organisaziun
Scheffa da cultura e sport

Acclus al mas-chalch chattaivat la charta da movimaint preschantada al di da movimaint. Ella fa part dal concept "Graubünden bewegt" e dess dar üna survista dals lös da movimaint ils plü importants da nos cumün. La charta es missa insembel in collavuraziun cul- e süls cuosts dal Uffizi da sandà chantunal. Ulteriuras chartas as poja retrar pro'l büro da trafic e pro'l cumün.

Scheffa da cultura e sport

Marcurdi, 17.11.2010 a las 20:15

film

Bergauf Bergab

Die Kempfs bewirtschaften drei Höfe im Urner Schächental - von der Talsohle bis auf 1715 Meter. Die Familie wandert mit Kindern, Kälbern und Kühen von einem Hof zum andern - bergauf, bergab. Hans Haldimann hat sie begleitet. Entstanden ist ein Zeitdokument abseits der Konsumgesellschaft.

Entrada / Eintritt Fr. 10.00

La Grotta da cultura es averta a partir da las 20.00h

Die Grotta da cultura ist ab 20.00 Uhr offen



Acziun da birnel

In collavuraziun cul uffizi da provedimaint vain organisà eir quist on ün'acziun da birnel. L'acziun po gnir fatta be scha las postaziuns da birnel surpassan la limita prescritta dad 80 kg. Scha quai nu vess d'esser il cas, ston tuot las postaziuns inoltradas gnir annulladas.

Postaziuns cul fögl suotvart pon gnir büttadas aint illa chartera dal Cumün pro l'entrada dal büro cumünal fin **venderdi, 26 november 2010.**

Uffizi da provedimaint

-----Tagliar

Fögl da postaziun: Il suottascrit posta quattras:

..... chartun(s) = 15 dispensers à 250 gr	birnel =	fr. 63.00	tuot ils predschs
..... chartun(s) = 12 vaiders à 1 kg	birnel =	fr. 126.00	incl. IPV + transport
..... sadella(s) à 5 kg	birnel =	fr. 45.50	
..... sadella(s) à 12,5 kg	birnel =	fr. 104.00	

Telefon:.....

Nom e prenom:.....

Cuors per *creschiüts* ed uffants

Üna piramida da ceramica

Data: 24 november 2010
Temp: 19.00 h
Cuosts: Fr. 15.00 + material
Annunzcha: 15 november 2010

Tschinta per pin, nina nona o bazegner

Data: 8 december 2010
Temp: 15.00 h
Cuosts: Fr. 20.00
Annunzcha: 1 december 2010

Ufficina da Nadal per uffants

Data: 1 december 2010
Temp e dürada: 14.00 – 16.00 h
Cuosts: Fr. 20.00
Annunzcha: 29 november 2010

La plü nouva technica da ceramica cun spunga e man

Data: 4 december 2010
Temp e dürada: 9.00 – 11.00 h
Cuosts: Fr. 15.00 + material
Annunzcha: 29 november 2010

Tazza o plat da ceramica cun tacharöls per regalins da Nadal

Data: 24 november 2010
Temp e dürada: 14.00 – 16.00 h
Cuosts: Fr. 26.00
Annunzcha: 15 november 2010

Sonda als 13 november da las 10.00 h – 16.00 h di da las portas avertas cun üna pruna jdeas per Nadal. Sün differents artichels daja 10 % rabat

**Butia Schlerin Café creativ, Chasellas 61, 7554 Sent
Tel. 081 864 81 05**